

## МЕСЯЦА ЯНВАРЯ В 3-Й ДЕНЬ

**Предпразднство Просвещения, и святого пророка Малахии, и святого мученика Гордия**

**На Господи, возвах: стихиры пророка 3, и мученика 3. Пророка стихиры, глас 8.**

**Подобен: Господи, аще и на судищи:**

**Лаголы Богодвижимаго твоего языка сываемы зря, / ты ныне ублажаю, пророче, истинне удивляемь: / ты бо гласом светлым мир облистал еси, / Господне провозглашая пришествие спасительное.**

**Ангел ангелоподобным твоим житием на земли был еси / и прозванием Ангела всеподобно обогатился еси, / доброту душевную доброте телесней сугубо сочетав, / Малахие всеблаженне.**

**Господи, к Тебе Твоего пророка, / молебника и молитвенника предлагаю, / егже мольбами, Щедре, и молитвами, яко Благоутробен, / отчаянныя души согрешения разреши, / существенную имея и естественную благостыню.**

**Ины стихиры мученика, глас тойже.**

**Подобен: О, преславнаго чудесе!**

**Превозвышенную видев прелести мглу, / бегая, удалился еси, страсотерпче Гордие, Бога ожидая, / многими же болезнями искушаемь и алчбами томимь, / якоже ведый свою силу подвижник, / устремился еси самозван к противоборцу.**

**Вельми упова́в, / пришёл еси́ к противных мно́жеству, / всесла́вный Горди́е, / в ничто́же вмени́в беззако́нных собо́рище, / и, став посреди́, пропове́дник самовла́стен, / велегла́сно Христа́ пропове́дал еси́ Зиждите́ля и Го́спода, / Отцу́ Собезнача́льна / и Честно́му Ду́ху Единочестна и Соприсносу́щна.**

**Мечём во главу́ усека́емь, / от жи́зни в жизнь, от сме́рти в безсме́ртие / и от тле́ния к нетле́нию проявлено́ прешёл еси́, / не пожда́в естества́ ме́ртвости, / но самоизво́льно ведо́м умре́ти. / О, по́двигов твои́х, страстоно́сче Горди́е, / и́миже Христа́, му́чениче, возвели́чил еси́, / Еди́наго Благоутро́бнаго!**

#### **Сла́ва, и ны́не, глас 4. Ио́анна мона́ха:**

**О, пресла́внаго чудесе́! / И́же Ду́хом Святы́м креща́яй и огне́м / на Иорда́н грядёт крестити́ся от Ио́анна: / Бог не наг, ниже́ Чело́век прост, / но во двою́ естеству́, / Еди́н то́йжде Сын Единоро́дный, / ища́й убо́ Креще́ния я́ко Чело́век от сме́ртнаго, / взима́я же я́ко Бог грех ми́ра / и пода́я всем ве́лию ми́лость.**

#### **На стихо́вне стихи́ры, глас 6.**

**Подобен: Тридне́вен:**

**Се Просвеще́ние ве́рных, / се Очище́ние на́ше / вни́ти хо́щет во стру́й рече́ния, / я́ко да скве́рну отмы́ет зло́бы чело́веческия / и обновит сокруше́нныя ны.**

**Стих: Сего́ ра́ди помяну́х Тя / от земли́ Иорда́нски и Ермонийски.**

**Я́ко ви́де Тя гряду́ща Предте́ча Твой, Го́споди, / и прося́ща крестити́ся от него́, / со стра́хом вопия́ше: / Бо́же мой, Содетелю́ мой, / ка́ко Тя крещу́, Нескве́рнаго?**

**Стих: Ви́деша Тя во́ды, Бо́же, / ви́деша Тя во́ды и убоя́шася.**

**Сни́демся, ве́рнии, умне́ ко Иорда́нским стру́ям, / я́ко да чу́до ве́лие ви́дим я́ве: / Зиждите́ль бо всех я́вися зрим / и крестити́ся пришёл е́сть.**

#### **Сла́ва, и ны́не, глас 5:**

**На Иорда́нскую реку́ / Христос́ Бог наш прихо́дит ко Креще́нию, / очисти́ти хотя́ ны от беззако́-**

ний наших Своим явлением, / яко Един Благ и  
Человеколюбец.

**Тропарь мученика, глас 4:**

**М**ученик Твой, Господи, Гордый, / во страдании  
своём венец прият нетленный от Тебе, Бога  
нашего: / имей бо крепость Твою, / мучителей  
низложи, / сокруши и демонов немощныя дерзоз-  
сти. / Того молитвами / спаси души наша.

**Тропарь предпразднства, глас тойже:**

**Г**отовися, Завулоне, / и красуйся, Неффалиме, /  
Иордане реко, стани, / подыми, възграя, кре-  
ститися грядуща Владыку. / Веселися, Адаме с  
праматерию, / не кривита себе, якоже в рай преж-  
де, / ибо, наги видеви, явися, / да облечет в  
первую одежду: / Христос явися, всю тварь хотя  
обновити.



**НА ПОВЕЧЕРИИ**

**Трипеснец, ирмосы по дважды, тропари же на 6,  
глас 2 (егоже краегранесие: Четвертому пою).**

**Песнь 3**

**Ирмос:** На камени мя веры утвердив, / разширил  
еси уста моя на враги моя. / Возвеселибося дух  
мой, внигда пети: / несть свят, якоже Бог наш, / и  
несть праведен, паче Тебе, Господи.

Суетное бысть умышление Иродово, / хотящаго  
улучити свободу, беззаконно убивающаго дети, /  
Христос бо, Избавитель наш, / жизнь дарует всем  
неубийственну, крещаяся.

Лютое совещание Иродово младенцев первее  
уби новыи возраст, / Вифлеем кровью исполнив. /  
Ныне же Христос грядет Церкви чада многая  
Крещением сотворити.

**Другий трипеснец, глас 6 (егоже краегранесие:  
Предсубботие же).**

**Песнь 5**

**Ирмос:** К Тебе утренюю, / благоутробия ради  
Себе истощившему непреложно / и раба рукою

креститися восхотѣвшему, / Сло́ве Божий, / мир пода́ждь ми, па́дшему, / Чело́веколюбче.

Очи́стивше умы́ и предызмы́вшесе́ та́инства прича́стием стра́шнаго смотре́ния, / вси ве́рнии, грядúща Христа́ сря́щем Иорда́нскими стру́ями очи́стити ны.

Зри́те, дру́зи, глас Сло́ва, Со́лнца свети́льника, дру́га Женихо́ва: / пока́йтесь! — лю́дем вопию́ща, — / и потщи́тесь очи́титися Жижди́теля на срѣтение.

### Песнь 8

**Ирмо́с:** *Глаго́л мучи́телей понѣже превозмо́же, / седмери́цею пещь разжже́на бысть иногда́, / в нейже о́троцы не опали́шася, царѣво попра́вше велѣние, но вопия́ху: / вся дела́ Господ́ня, Гóспода по́йте и превозно́сите во вся ве́ки.*

Изли́явше слѣзны́я исто́чники, ве́рнии, от очѣс, / очи́тим вся́ку скве́рну душе́вную / и Свет во Свѣте Свѣтом у́зрим, креститися Христу́ грядúщу. / Емúже присвидѣ́тельствуе́т Оте́ц с Небесе́, / и Дúха Свята́го блиста́ет пришѣ́ствие голу́биным ви́дом.

Слѣзу́ вся́кую Христóс отъѣмля от вся́каго лица́, предгрядѣ́т, / душ многоболе́зненны́я недúги неболе́зненно водо́ю уставля́я / и обветшавши́я чело́вечи обновля́я па́ки быти́ем, / превозно́сящи егó во ве́ки.

Священноде́йствуются дúши Крещѣ́ния Богода́нною ба́нею и Дúха огне́м, / стра́сти очища́ющаго, и вещь попада́ющаго всю скве́рны́я злóбы, / и благода́ть да́ющаго вопи́ти во умилѣ́нии: / Тя превозно́сим, Христé, во ве́ки.

### Ин

**Ирмо́с:** *Сто́лпу злóбы:*

От ве́ждей душе́вны́х злóбы сон оттря́сше, / лука́вствия оты́мем, ве́рнии, от серде́ц на́ших / и слеза́ми тёплыми омь́ем смь́слы, / яко́ да зри́телие я́вльшагося я́вимся, / Христа́ сла́вяще во ве́ки.

Скве́рно сло́во лука́вых помышлѣ́ний да не внесѣ́м, / сло́ву же Божѣ́ственному поучи́вшесе́, пѣсни да принесе́м Сло́ву, / нас ра́ди плóтию я́вльшемуся и просвеща́ющему сýщия во тьме, / Егóже вся тварь благослови́т, сла́вящи во ве́ки.

Глубина́ премúдрости сокровѣ́ннаго та́инства ны́не я́вляется чело́веком, / Бóжих суде́б бѣздна

нѣне вѣрным открыва́ется, / Бо́гу с плотию на  
земли явльшуся на обновлѣние человѣческаго  
рода, / Егѡже вся тварь благословѣт, сла́вящи во  
вѣки.

**Отрица́ешься, Ио́анне, е́же да соделаеши вско́-**  
**ре, повиную́ся Мне, / оста́ви у́бо нѣне, та́ко бо**  
**подобает нам всяку исполнити воистинну**  
**правду,— / Влады́ка рабу́ рече́, / Егѡже вся тварь**  
**благословѣт, сла́вящи во вѣки.**

**Та́же: Хва́лим, благословѣ́м, покланя́емся Го́спо-**  
**деви, пою́ще и превознося́ще во вся вѣки.**

**Ирмо́с: Столпу́ зло́бы / лю́таго Ирода вси пору-**  
**гавшеся, / на Иорда́н приидѣте. / Идем, вѣрнии, да**  
**у́зрим Христа́ Изба́вителя, / от Предте́чи креща́-**  
**емаго плотию во струя́х, / Егѡже вся тварь благо-**  
**словѣт, сла́вящи во веки.**

### Песнь 9

**Ирмо́с: Душа́ми чѣстыми и несквѣ́рными устна-**  
**ми, / приидѣте, возвели́чим Несквѣ́рную и Пречи́-**  
**стую Ма́терь Емману́илеву, / Ею́же из Нея́ к**  
**Рождѣ́нному принося́ще моли́тву: / пощади́ ду́ши**  
**на́ша, Христѣ́ Бо́же, и спаси́ нас.**

**Неразу́мен никто́же и ко Христу́ неблагода́рен**  
**да бу́дет, / долготерпѣ́ние пождáния Егѡ и блага́ость**  
**укоря́я, да не преобѣ́дит, / но со стра́хом и**  
**радо́стью да порабо́таем Ему́, пою́ще: / пощади́**  
**ду́ши на́ша, Христѣ́ Бо́же, и спаси́ нас.**

**Глаго́лет лю́дем непокорѣ́вым Предте́ча: / кто**  
**вам пока́зa от гнѣ́ва убежа́ти грядуща́го, ехѣ́дна**  
**исча́дия? / Покая́ния у́бо плоды́ покажи́те досто́й-**  
**ны, вопию́ще: / пощади́ ду́ши на́ша, Христѣ́ Бо́же, и**  
**спаси́ нас.**

**О, слѣ́потнаго неразу́мня дерзости! / Ему́же бо**  
**иноплеме́нницы, я́ко Изба́вителю Христу́, покло-**  
**ни́шася, с да́ры почествова́вше, / дома́шнии же**  
**нейстовне иска́ху уби́ти Рождѣ́ннаго. / Пощади́**  
**ду́ши на́ша, Христѣ́ Бо́же, и спаси́ нас.**

### Ин

**Ирмо́с: Честне́йшую Херувѣ́м:**

**Всегуби́тельное паде́ние Ада́мово нѣне исправ-**  
**ляя, явѣ́ся Но́вый Ада́м, / свобожде́ние па́ки бытѣ́я**  
**пода́я пресла́вно Креще́нием.**

**Закон** и пророки исполняя и правду скончавая, /  
всех Спас ныне под длань прекланяется раба, / от  
работы восхищая вражия человека.

**Языком** возсия великий Свет, / омраченным  
Божественная просия заря, / в сени древе смерт-  
ней седящим Солнце славы, Христос, возсия.

**Окружаяху** Ангельская воинства во Иордане  
крещаемого Избавителя / и трепетом великое та-  
инство воспеваху, / Сего неизглаголанное соше-  
ствие.

**Таже ирмос:** Честнейшую Херувим / и славней-  
шую без сравнения Серафим, / без исления Бога  
Слова рождшую, / сущую Богородицу, Тя велича-  
ем. **И поклон.**



#### НА УТРЕНИ

**На Бог Господь:** тропарь предпразднства, два-  
жды. Слава, мученика. И ныне, предпразднства.

**По 1-й стихологии седален, глас 3.**

**Подобен:** Красоте девства:

**Неописан** Сый Божеством, описан вещию телес-  
ною, / хочет прийти водами Иорданскими крестит-  
ся, / Сего чистотою мысленною примем: / всем бо  
соделати обновление хочет. / К Немуже возопийм  
со страхом: / слава, Христе, явлению Твоему.

**Слава, и ныне, подобен тойже:**

**Явльшуся** Тебе во Иордане, Спасе, в водах  
креститися плотию, / Ангельская воинства ужаса-  
хуся, зряще рабу предстояща Владыку твари: /  
свыше проповеда Тя Отец Пребезначальный. /  
Темже с веселием вопиём Ти: / слава Богу крестив-  
шемуся.

**По 2-й стихологии седален, глас 5.**

**Подобен:** Собезначальное Слово:

**Единочестное** Слово Отцу и Духу, / воплощено  
за милосердие и крещаемо, / Ангельстии лица  
видяще, трепетаху, / и Иорданская река, устыдев-  
шись и убоявшись, возвратися вспять, / нас возво-  
дя к высоте спасения, страстьми ислевшия.

### Сла́ва, и ны́не, то́йже подобен:

Собезнача́льное Сло́во Отцу́ и Ду́ху, / вообра́жься за милосе́рдие ны́не в чуждее, / крестити́ся нас ра́ди уже́ гряде́т, / усря́щем Его́ мы́слию чи́стою: / благослове́н еси́, — вопию́ще, — Христе́ Спа́се Благоде́телю, / освяти́ти нас приходя́й.

**Кано́ны три: предпра́зднства со ирмосо́м на 6, и проро́ка на 4, и му́ченика на 4. Кано́н предпра́зднства, его́же краегране́сие по алфави́ту. Ио́сиф, глас 4.**

### Песнь 1

**Ирмо́с:** *Отве́рзу уста́ моя́, / и напо́лнятся Ду́ха, / и сло́во отры́гну Цари́це Ма́тери, / и явлю́ся, све́тло торже́ствуя, / и воспою́, ра́дуясь, То́я чуде́са.*

Бездны́ повелением сотвори́в, Человеколю́бче, / И́же зе́млю на вода́х повеси́вый, Го́споди, / смиря́йся, предгряде́ши крестити́ся ре́чными струя́ми, / омы́вая мя от скве́рных страсте́й.

Хоте́нием обнища́л еси́, / самово́льно обнища́вшего злы́ми дея́ньми мене́ обогаща́я, Христе́, / и к вода́м предгряде́ши Иорда́нским, Креще́ния прося́, Безгре́шный.

Обветшавши́й прегреше́ньми мир обновля́я, Человеколю́бче, / страна́но поро́ждение гряде́ши сотвори́ти водо́ю и Ду́хом челове́ком. / Те́мже Твое́ сла́вим явле́ние.

Дави́д, Божество́нным Ду́хом предвозглаша́я, веща́ше: / что́ ти есть мо́ре, я́ко побегло еси́? / И ты же, я́ко возврати́лся еси́, Иорда́не, / Христа́ ви́дев, на́га стоя́ща в тебе́?

**Ин кано́н проро́ка, его́же краегране́сие: Малахи́ева мно́ю сла́ва да сла́вится. Творе́ние Феофа́ново, глас 8.**

### Песнь 1

**Ирмо́с:** *Посече́ный несеко́маго пресече́, / и ви́де со́лнце зе́млю, ю́же не ви́де, / лю́таго врага́ вода́ пото́п, / и непроходи́мое про́йде Изра́иль. / Песнь же воспева́шеся: / Го́сподеви по́йм, сла́вно бо просла́вился.*

Го́рнему ли́ку сра́дуясь, и сему́ сликовству́я и свесе́ляся, / и Божество́ннаго просвеще́ния досто́йно насыща́ясь, Богодохнове́нне, / ве́рою твою́

честную память празднующия, Господу поющия, /  
 молитвою твоєю сохрани.

**Ангелообразныя души красотю и добротою**  
 сияя, паки телесною, / вьшнюю зарю Божествен-  
 наго сияния приял еси, Богоглаголиве, светло / и,  
 радуяся, взывал еси: / Господу поим, славно бо  
 прославися.

**Непорочно совершая житие твое, и образом**  
 благоукрашения украшаяся, / и нравы благими,  
 преблаженне, чистя себе, / пророк благочестия  
 истиннаго, зовый, был еси: / Господу поим, славно  
 бо прославися.

**Богородичен: Чистая Мати Бога Вседержителя,**  
 Яже от царскаго колена, Владычице, возрастши /  
 и Единого Бога, всеми царствующаго, рождши  
 плотию паче естества, / от бед мя спаси, Сыну  
 Твоему поюща: / славно бо прославися.

**Канон мученика, егоже краегранесие: Мучени-**  
 ка Гордия песньми сладкими пою. **Творение Фео-**  
**фаново, глас 8.**

### Песнь 1

**Ирмос: Поим Господеви, / проведшему люди**  
 Свой сквозе Чермное море, / яко Един славно  
 прославися.

**Свидетель истины, Гордие всеблаженне, позна-**  
 ваемь, / светоносную мне благодать с Небес  
 подаждь молитвами твоими.

**Поим Господеви, страстотерпца укрепльшему**  
 на противоборныя / и венцем победы украсив-  
 шему.

**Силою и всеоружием всех Царя укрепляемь, /**  
 мучителей низложил еси вражду, **всеславный**  
**Гордие.**

**Богородичен: Воды, текущая в безсмертие, яви-**  
 лаяся еси селение, / источающаго всем человеком  
 жизнь, **Богоневесто.**

### Песнь 3

**Ирмос: Твоя песнословцы, Богородице, / живый**  
 и независтный Источниче, / лик себе совокупль-  
 шия, духовно утверди, / в Божественней Твоей  
 славе / венцев славы сподоби.



**Возвеселіся**, пустыня жаждущая, человеческое естество все: / се вода является жизненная, напаяющи ты новорасленную благодатию, / Христос, всех обновление.

**Взыскати** мя, разумом заблуждшаго, предгрядеши на воды, Христэ, / в няже вшед, потопляеши моя прегрешения / и из глубины возводиши мя всякия злобы, яко Благоутробен.

**Солнце**, зрети Тя имущее, Слове, обнажена, сокрывает зарі: / грядеши бо обнажена мя лестию зминою / честным Крещением во одежду обещи спасительную.

### Ин

**Ирмос:** Ты еси утверждение притекающих к Тебе, Господи, / Ты еси свет омраченных, / и поет Тя дух мой.

**Радуешься** ныне, зря проречений сбытие, блаженне, твоих и совершение, / Малахия Богоприятне.

**Исцеление** в крилах имей, возсия Солнце мысленное правды, / якоже прорекл еси, Богодохновенне.

**Богородичен:** Всю надежду мою на Тя, Всенепорочная, возлагаю, / всю к Тебе, радуясь, простираю и душу, и помышление.

### Ин

**Ирмос:** Несть свят, яко Господь, / и несть праведен, яко Бог наш, / Егоже поет вся тварь: / несть праведен, паче Тебе, Господи.

**Текущих** нестойтельное помышляя / и пребывающих состояние, мучениче славне, воспоминая, блаженне, / без страха в судилище вшел еси страдания.

**Отступил** еси привременнаго суетства, / и приложился еси, всебогатне, присно пребывающим, / и, бегая от человек, Ангелом единокровник, Богомудре, был еси.

**Земная** мудрования оставив, жителство Небесное, мучениче, обрел еси, / зрети бо не терпя прелести шатания, / в пустыню удалился еси.

**Богородичен:** Несть непорочны, якоже Ты, Владычице, / и несть пречисты, паче Тебе, Всенепо-

рочная: / во утробе бо Зиждителя всех вместила еси, / Единого Многомилостиваго.

**По 3-й песни кондак пророка, глас 4.**

Подобен: Явился еси:

**П**ророчества дарованием богатея, пророче, / Христово предвозвестил еси пришествие яве и миру спасение, / Егоже сиянием мир просветися.

**Ин кондак пророку, глас 8:**

Подобен: Взбранной:

**Я**ко Ангел послужил еси, всеблаженне, / и сподобися преди будущая вещати, / Господне бо вочеловечение всем уяснил еси, / темже вопиети: / радуйся, пророче Божий Малахие, приснопамятне.

**Другий кондак мученика, глас 8.**

Подобен: Яко начатки:

**Т**воя поты, преславне, всю землю напоиша, / и честными кровьюми, Гордие, мир весь возвеселил еси. / Молитвами твоими, Богомудре, / спасай вся, верою ты воспевающая и ублажающая, / вопиющая песнь достойную, всехвальне, яко многострадалец.

**Ин кондак мученику, глас 4.**

Подобен: Явился еси днесь:

**В**сею любовью днесь Церковь твою память совершает, Гордие, / восхваляючи тайно, / яко по той пострадал еси, / мучеником доброто / и всем верным во Христа похвало.

**Седален, пророка, глас 8.**

Подобен: Премудрости:

**П**ророчества благодатию обогащая, / будущих знанию боголепно научился еси духом, Малахие Богодохновенне, / и предглаголеши всем Христово пришествие / и языков, пребогате, Божественное призвание. / Темже честную твою празднуем память, / и любовью поем тя, и верно ублажаем, взываяще тебе, славне: / моли Христа Бога грехов оставление подати / чтущим любовь святую память твою.

### Слава мученика, глас тойже:

Разжэгся любовью Иисусовою, / самовольным хотением, мучениче мудре, усердно на смерть себе предал еси / и посреди судища самозван стал еси, вопия мучителем: / се аз приидох. / Темже и лесть дерзновением обличив, / мечем во главу усечен еси, славне, / и к жизни безконечней преставился еси, всехвальне. / Моли Христа Бога грехов оставление подати / чтущим любовь святую память твою.

### И ныне, праздника, глас тойже.

Подобен: Свирелей пастырских:

Лик пророческий, проповедуя, радуется, Крещение Христово, живот источающее. / Зовёт Исаия: / почерпите воду очистительную. / Писнет Богоотец: / како от лица бежит море / благоволением спасающего Бога род человеческий?

### Песнь 4

**Ирмос:** *Неизследный Божий совет, / еже от Девы воплощения Тебе, Вьшняго, / пророк Аввакум усмотряя, зовяше: / слава силе Твоей, Господи.*

Ужасом содержитя небо и Ангельская воинства, / раболепно Тя идуща, Христе, к Твоему рабу видяще и просяща Крещения.

Иоанне, зыграй, грядет бо всех избавляяй Господь / преклонитися руце твоей смиренно, / яко да смиренного мя Божественным вознесет Крещением.

Преклонив Небеса, спел еси в Деву, Человеколюбче, / и Иоанну прекланяеши верх, прося Крещения. / Слава многому благоутробию Твоему.

Разрешая безмерныя моя, Слове, пленницы согрешений, / на воды Иорданския тщишия приити и креститися, Владыко. / Слава многому благоутробию Твоему.

### Ин

**Ирмос:** *Услышах, Господи, / смотрения Твоего таинство, / разумех дела Твоя / и прославих Твое Божество.*

Пророк быв Богоначальный, блаженне, благодсти, / всем языком проповедал еси бывшее избавление.

**Научився** Духом преестественному Слова воплощению, / неизглаголанное таинство, Малахией блаженне, провозгласил еси.

**Богородичен:** На Тя возложих всяко чаяние спасения моего и жития окормление, / обрадованная Мати Дево.

### Ин

**Ирмос:** Из Горы приосененная, Слове, пророк, / единая Богородица, / хотяща воплотиться боговидно усмотри / и со страхом славословяще силу Твою.

Речения Христова, всеблаженне, услышав, / радуясь, тленное оставил еси воинство / и Царю воиинился еси Небесному, венценосче мучениче Гордые.

Сокрушишася, мучениче, горы мучителей, / растаяшася же холми идольстии терпеливным твоим страданием, / и со дерзновением, венценосче, приближившася.

Укрепился еси Крестом Божественною силою / собору злочестивому вопити велегласно: / не ищущим обретохся, не вопрошающим, ныне уповав, являюся.

Весь на тя, Богомудре, мучителя воздвигл еси неудержимый гнев, / удивльшася, всеблаженне, умышлению и души твоей востанию.

**Богородичен:** Невесто Божия, Марие Богородице, / избави мя лютых прегрешений и бед / и к тихому пристанищу и спасительному Твоими молитвами настави.

### Песнь 5

**Ирмос:** Ужасошася всяческая / о Божественней славе Твоей: / Ты бо, Неискусобрачная Дево, / имела еси во утробе над всеми Бога / и родила еси Безлетного Сына, / всем воспевающим Тя / мир подающая.

Далече человечество от Бога бывшее, Слово Божие, ущедлив, Человек явися, / и Крещением Богодельным сие присвоет боголепно, / и к первообразному возводит достоянию.

Мертвы бывшия ны преступленными / грядеши, Живодавче Всещедрый, оживити Иорданскими

струями. / Тёмже Твое сла́вим вёрно ны́не явлéние и неизречéнную мѣлость.

**Дивѣтся** всяка душа, помышляющи Твое, Сло́ве, стра́шное смотре́ние: / како́, назда́ти вся хотя́, грядéши вни́ти в рéчныя стру́и обнажéн, / Иже свéтом одева́йся.

**Ин**

**Ирмо́с:** *От но́щи невéдения / Боговéдением просветѣ́вый концы́, / просветѣ́ мя ў́тром человеколю́биа Твоего́, Го́споди.*

Стра́шный день Христо́ва пришéствия провозвѣсти́л еси́, Малахи́е Богому́дре, / Божéственным просвещáемь Духом.

Душ сквэрну отъёмля и омывáя благодáтию, / я́коже бели́лом перу́щих, / си́це ты, Богому́дре, просла́ви.

**Богорóдичен:** Держáву смёрти, Отрокови́це, / живонóсным Твоѣм рождество́м разорѣла еси́, Всесвятáя Дéво, / и Жизнь источѣла еси́ неразо́рѣму.

**Ин. Ирмо́с то́йже.**

Вшед без стра́ха и до́блественне, я́ко лев, в позо́рище, / я́коже ка́мение безду́шное, блажéнне, вмени́л еси́ безу́мныя.

Нака́зан, мучени́че, Богодохновéннаго писáния учéнием, / вся ко спасéнию обрeл еси́ веду́щая, Горди́е.

Разумéв, Богому́дре, твёрдое твоё мучи́тель противлéние, / я́коже о ка́мень волна́, твоёю разсе́деся твёрдостѣю.

**Богорóдичен:** Иже из Твоея́ утробы́ пресу́щественно, Дéво, Воплощáйся / мир Богоразу́мѣя заре́ю просветѣ́, Пречи́стая.

**Песнь 6**

**Ирмо́с:** *Божéственное си́е и всечестно́е / соверша́юще прáзднество, / Богому́дрии, Богомáтере, / приидѣте, рука́ми восплeщим, / от Нея́ рождша́гося Бо́га сла́вим.*

Иже во тьме дрéвле седя́щии Свет пришéдши зря́ще, ра́дости испóлнитесь: / се яви́ся Го́сподь, Иорда́нскими стру́ями одеян.

Ка́ко ўзрит Тя, идуща, Предте́ча, Спа́се, / и

просяща Божественнаго Крещенія?/ Како Тя воды приимут Иорданския,/ Воду сущу оставленія?

Да кропят, веселящися, облацы мысленное радование:/ се прииде креститися Господь,/ разоряя темныя облаки сердец наших.

**Ин**

**Ирмос:** Молитву пролию ко Господу/ и Тому возведу печали моя,/ яко зол душа моя исполнися/ и живот мой аду приближися,/ и молюся, яко Иона:/ от тли, Боже, возведи мя.

Просвещшиися твою мудрая мысль от самого Божественнаго светозарения,/ и дольних отлучился еси вещей, будущих сподобися разума:/ звание бо языков и закона престатие прорекл еси.

Прииде воистинну Господь, Егже мы радостно искахом,/ во храм, Егже Сам от Девы благословенныя мудре созда,/ якоже рече, от Бога осиявша, Малахий славный.

**Богородичен:** Безначальный Отцу и Единородный,/ Тойже Единочадый от Девы воплощся, и неизреченно родися,/ и Родшую Деву сохрани:/ Бог бо бе истинен, аще и естество человеческое прият.

**Ин**

**Ирмос:** Якоже пророка избавил еси/ из глубины преисподния, Христе Боже,/ и мене от грехов моих избави, яко Человеколюбец,/ и управи живот мой, молюся.

Священнодействуется жертва,/ и приятно приношение Тебе приносится, искапая кровию, Гордый, Владыко,/ вольней страсти Твоей подобяся.

Несмысленный умом тебе тленную обещавет славицу,/ славою нетленною, Гордые, обогащаемуся/ и бессмертное богатство сокрывшему.

Направлена упования к Богу имея, претекл еси жития нестойтельное/ и, мечем посекаемь, к пространней широте прешел еси.

**Богородичен:** Умерщвленный ум мой страстей треволненными возстави,/ Жизнь Вечную, Христа, Родшая, подающего всем исцеления.

## Конда́к предпра́зднства, глас 4.

Подобен: Явѣлся еси́ днесь:

**В**о струях днесь Иорданских быв, Господь /  
Иоанну вопиет: / не убойся крестити Мя, /  
спасти бо приидох / Адама первозданнаго.

### Икос:

Не истязую тя, Крестителю, пределы преходити, /  
не глаголю тебе: / рцы Ми, яже глаголеши  
беззаконным и учиши грешники. / Точию крестити  
Мя молча и чая, яже от Крещения: / примеша бо  
сего ради достоинство, еже не бысть Ангелом, /  
ибо всех пророков больше ты сотворю. / От оных  
убо ни един яве Мя виде, / но во образех, и сенах, и  
гаданиях, / ты же пред тобою стояща видел еси, /  
спасти бо приидох Адама первозданнаго.

### Песнь 7

**Ирмос:** Не послужиша твари Богомудрии / паче  
Создавшего, / но, огненное прещение мужески  
поправше, / радовахуся, поюще: / препетый отцев  
Господь и Бог, благословен еси.

Сокрушена мя прегрешеньми и лежаща во тьме,  
Господи, преступления, / помиловав, ущедрил еси  
за благостыню / и в водах Иорданских, Владыко,  
грядеши креститися.

Что странное сие видение? — / возопиша Ангель-  
стии чини: / езера и реки сотворивый велением  
Иорданскими струями грядет одеться, / сими бо  
Адама обновляет.

Высота неизреченна и глубина неизмерна есть,  
Владыко, смотрения Твоего, / всяко переходя ума  
постижение: / како водою и Всесвятым Духом  
земныя очищаеши?

### Ин

**Ирмос:** Отроцы еврейстии в пещи / попраша  
пламень дерзновенно / и на росу огонь преложивша,  
вопiously: / благословен еси, Господи Боже, во  
веки.

Ты Владычествующаго всеми всечестнобе про-  
рекл еси пришествие, / Малахияе пророче славне,  
зовый: / благословен еси, Господи Боже, во веки.

**Прими́ моля́щагося, Ще́дре, сла́внаго проро́ка Малах́и́я/ о́ иже благоче́стно пою́щих и вопи́ющих:/ благослове́н еси́, Го́споди Бо́же, во ве́ки.**

**Богоро́дичен:** **Все́му́ мне весь неслия́нно по Ипостáси соедини́лся еси́, Бо́жий Сло́ве,/ от Дёвы Чы́стыя обо́лкъся в мя, Ще́дре,/ благослове́н еси́, Го́споди Бо́же, во ве́ки.**

### Ин

**Ирмо́с:** **О́троки ороси́вый в пещи́/ и Дёву сохрани́вый Ро́ждшую Тя по рожде́стве,\*/ благо-словен еси́, Бо́же о́тец на́ших.**

**Муче́ния сла́ву стяжа́в, со А́нгелы лику́еши, венце́носче, Христу́ взыва́я:/ благослове́н еси́, Го́споди Бо́же о́тец на́ших.**

**Благочестиво́е дерзнове́ние имéя,/ злочестивы́я облича́еши, воспева́я велегла́сно:/ благослове́н еси́, Го́споди Бо́же о́тец на́ших.**

**Избави́тся прегреше́ний ны́не моли́/ ве́рою чту́щим твою́ честну́ю па́мять и пою́щим велегла́сно:/ благослове́н Бог о́тец на́ших.**

**Богоро́дичен:** **Ядоме́тное те́рние греха́ исцеле́ний одожде́нием Твои́х отмыва́еши,/ Богороди́тельнице Благословенна́я Всечи́стая,/ Бо́га безсе́менно ро́ждшая.**

### Песнь 8

**Ирмо́с:** **О́троки благочестивы́я в пещи́/ Рожде́ство Богоро́дичо спасло́ есть,/ тогда́ у́бо образу́емое,/ ны́не же де́йствуемое,/ вселе́нную всю воздвиза́ет пети́ Тебе́:/ Го́спода по́йте, дела́,/ и превозно́сите Его́ во вся ве́ки.**

**Глас Родите́лев с высоты́ Сы́на свиде́тельствует Единосу́щна, входя́ща в во́ды/ и благослове́ние Твоё сим предпосыла́юща, Благословенне Христе́,/ и Дух Тя Святы́й всем пропове́дует Бо́га воплоще́нна.**

**Ликуй, тва́ре, уви́девши Бо́жие свято́е явлéние,/ А́нгели, по́йте,/ мо́ре, весели́ся, езе́ра и исто́чницы, взыгра́йте,/ и ре́ки, та́йно восплещíte пёсньми:/ предста́ благословенными вас Христо́с просвеща́яй.**

\* и сохрани́вший Родившую Тебя́ Дёвою и после́ рожде́ния



**Поём** Господу во хвалении, явльшемуся на водах, / и сокрушение наше сими обновльшему, / и главы стёршему невидимых врагов, и воззовём: / пойте, дела, Господа и превозносите Его во вся веки.

**О**, чудо чудес! / Како, всякия твари вьпши, Бог наш зиждется / и обновляется от Богородительницы, и обновляет волею, / и назидает нас водою и Духа обновлением чудным, / Единый Благодетель?

### Ин

**Ирмос:** Победители мучителя и пламене / благодатию Твоею бывше, / заповедем Твоим зело прилежаще, / отроцы вопияху: / благословите, вся дела Господня, Господа.

**О**чуждився всякаго вѣчнаго явленія, священноявленне, / Божественныя зарі явился еси нескверно зерцало, поя: / благословите, вся дела, Господа и превозносите Его во веки.

**Неизреченныя** славы зритель ты был еси / и таин Небесных, блаженне, проповѣдник быв, поя непрестанно: / благословите, вся дела, Господа и превозносите Его во веки.

**Богородичен:** Жизни Тя Матерь и Божию Родительницу познавше, / православною верою вси блажим, Дево Мати, / благословяще вкупе Рождество Твое Пречистое и превозносяще, Чистая, во вся веки.

### Ин

**Ирмос:** Богоглаголивии отроцы в пещи, / со огнем пламень попирающе, пояху: / благословите, дела Господня, Господа.

**В**озслѣдующая тебѣ благодать, / невидимо просвѣщши, мучениче, доблести исполни, / благословите, — вопиюща, — вся дела Господня, Господа.

**Т**ечением скорым гоня, страдальче, / к желаемому концу, Царствия достигл еси, зовый: / благословите, дела Господня, Господа.

**В** непроходимыя веки пребывает мучеников Твоих слава и бессмертное благохваление: / благословим Тя, вся дела, яко Господа.

**Богородичен:** Воплощённо Слово зачѣнши, пѣр-  
вее безплѣтное, / Евину клятву дрѣвнюю отвратѣ-  
ла еси, / Благословѣние, Дѣво, мѣру рѣждши.

### Песнь 9

**Ирмос:** Всяк земнорѣднѣй / да възграѣтся, Дѣ-  
ухом просвѣщаѣмь, / да торжествуетъ же безплѣтных  
умѣв естество, / почитающее священное торже-  
ство Богоматере, / и да вопиетъ: / радуйся, Всебла-  
женная Богородице, / Чѣстая Приснодѣво.

Се Агнецъ, възмѣлай прегрѣшенѣя челоувѣчества, /  
прииде и предста к рабѣ, прося Крещенѣя, /  
раболѣпно предстоитъ свободѣти ищай порабощен-  
ныя ны от лѣстѣваго / и доброту пѣрвую погубль-  
шия.

Явѣся явственнѣо Богъ, възплощаѣмь за благодѣть, /  
и Иорданскими одѣяться грядѣтъ водами, одѣваяя  
Небо ѣблаки воистинну: / Сего вси ныне предпраз-  
днуим честное радостѣю явлѣние.

Возграѣ радостно и предуготѣвѣся подъяти  
воду текущую, о Иорданѣ, в вѣчную жизнь; / рѣки,  
ликуютъ, видяще ныне пѣщнаго Потѣка, / во струѣ  
Иорданския входяща и злѣбы излияние изсуша-  
юща.

Озарѣся нам день спасѣтельнѣй, в ношѣ лѣотых  
всегда спящим, / ѣбо предста Христѣс Господѣ,  
правды Солнце сый и разумѣаемый, / подклонѣти  
главу Свою рабѣ и плѣтию крѣтитѣся волею.

Ужасаются Херувѣми и все Небѣсное естество,  
Всенепорѣчная, / паче постиженѣя Честнаго Тво-  
его Рождества, / уподѣбляшагося нам за благоут-  
робѣе неизглаболанное и крѣщагося плѣтию, /  
Егоже Божѣственное вси явлѣние празднуем ны-  
не, радующеся.

### Ин

**Ирмос:** Устрашѣся всяк слухъ / неизрѣченна Бѣ-  
жѣя снизхождѣния, / яко Вѣшнѣй волею сниде  
даже и до плѣти, / от Дѣвическаго чрѣва быв  
Человекъ. / Тѣмже Прѣчѣстую Богородицу, вѣрнии,  
величаѣмъ.

Наста Богосѣянный пророка праздникъ и че-  
стнѣй, / озаряя приходящая вѣрою и поющѣя

пророческими блистаниями, / и всем точащий душам исцеления, / и просвещающий ясно Богомудрия.

**Соблуди живоначальною десницею Твоею державною, Многомилостиве, Церковь Твою, / мольбами Твоего угодника, прорекшаго нам Твое вочеловечение, / имже возсия спасение и душам избавление.**

**Богородичен:** Зрелу объемлю жизнь, неврежден древом разума: / Ты бо, Всенепорочная, Жизни древо — Христа, прозябла еси, / входы живота всем показавшаго. / Тем Тя, Всечистая, Богородицу, вернии, возвещаем.

### Ин

**Ирмос:** Проявленное на горе законоположителю / во огни и купине Рождество Приснодевы / в наше, верных, спасение / песнями немолчными величаем.

Милостива быти моли Владыку верою ты чтущим / и твой светоносный и честный праздник совершающим, Гордие, / мучеников украшение.

Ныне нетленные пищи и Боговидения насыщающая, Гордие, / и Света Невечерняго, / в жилищах вечных приемлещи приплодия подвигов твоих.

Славу мимотекущую, и тленную, и попираемую презрев, Богомудре мучениче, / присносущныя ныне славы и радости воистинну наслаждаеши-ся, / Престолу Владычнему предстои.

**Богородичен:** Яко спасшися, Дево, первыя клятвы Твоим Божественным Рождеством, / достойно поюще, гласы немолчными вопием: / радуйся, Богородице, надежда наша.

### Светилен.

**Подобен:** Духом во святыхлице:

Вифлеем оставивше, преславное чудо, ко Иордану тецем душею теплою / и тамо узрим страшное таинство: / боголепно бо предста, обнажився, Христос мой, / одевая мя во одежду Небеснаго Царствия.

**Слава, и ныне, тойже.**

## На хвалітех стихіры, на 4, глас 6.

Подобен: Ангельския:

Престо́л Не́бо имѣя, Влады́ка / при́де на зѣмлю,  
воплóщся от Дѣвы, / и, на Иорда́не предста́в, /  
очище́ния всех про́сит от Иоáнна. / Оте́чества  
землі всея́, Тому́ поём: / благословѣн явле́йся,  
Бо́же наш, сла́ва Тебе́.

Приспе́ Христóс ко струя́м Иорда́нским, / Кре-  
ще́ния прося́, очища́яй грехи́. / Вся землѣ да  
игра́ет, / Небеса́ да веселя́тся. / Ра́дуйся, язы́че-  
ская Це́рковь, Царю́ уневѣстивши́ся, / ве́рно возо-  
пій: / благословѣн явле́йся, Бо́же наш, сла́ва Тебе́.

Го́ры сла́дость весе́лия да ка́плют, / рука́ми  
та́инственно ны́не восплещѣ́те, язы́цы, / пусты́ня  
да процветѣ́т. / Иорда́не, поды́ми, гряди́, Крестите́-  
лю, / та́инству Изба́вителя послужѣ́, ра́дуясь. /  
Лю́дие, воспойм: / благословѣн явле́йся, Бо́же наш,  
сла́ва Тебе́.

Свет из Свѣта пре́жде лет возсия́вый, / в но́щи  
седа́щим явѣ́ся / и тьму греха́ очисти́ и просвети́. /  
Лику́й, Ада́ме, и весели́ся, Е́во, / изба́вление,  
Христóс, при́де. / Дави́де, возо́пій: / благословѣн  
явле́йся, Бо́же наш, сла́ва Тебе́.

## Сла́ва, глас и подобен то́йже:

Звездá из Иа́кова возсия́ ми́ру / и, пла́менный  
челове́ков грех воспри́йм, / погребáет во Иорда́н-  
ских вода́х, / сия́я Божества́ сия́нием / и просвеще́-  
ние Богоразу́мья подава́я язы́ком: / благословѣн  
явле́йся, Бо́же наш, сла́ва Тебе́.

## И ны́не, подобен то́йже:

Зако́на Испóлнитель по плóти быв, / при́де  
Христóс, / нача́ток спасѣ́ния на Иорда́н соверши́-  
ти, я́ко Благосѣ́рд, / и Крестите́лю подклоня́ет  
верх, ве́рно вопию́щу: / лю́дие, зове́м: / благословѣн  
явле́йся, Бо́же наш, сла́ва Тебе́.

## На стихóвне стихіры, глас 2.

Подобен: До́ме Евфра́фов:

От Вифле́ема / на Иорда́н пре́йдем, / та́мо бо  
Свет / сущим во тьме / озаря́ти уже́ начина́ет.

**Стих:** Сего ради помянух Тя / от земли Иордански и Ермонийски.

**Земля Завулоня, / сущии обонпол Иордана, / услышите: / приближается Христос, / Спасение, Свет и Избавление.**

**Стих:** Видеша Тя воды, Боже, / видеша Тя воды и убояшася.

**Уготови и ты, / Иордане, струи, / огнем бо Крещаяй / приближается обновити / сокрушенное создание.**

**Слава, и ныне, глас и подобен тойже:**

**Явися славы / Отчее Сияние / во струях Иорданских, / Крещением очищая / скверну душ наших.**

#### НА ЛИТУРГИИ

**Блаженны от канона предпразднства песни 3-я и 6-я. Прокимен, глас 7: Возвеселится праведник о Господе: Стих: Услыши, Боже, глас мой, внемди молити ми ся к Тебе. Апостол к Тимофею, зачало 292. Аллилуия. Праведник, яко финикс, процветет, / яко кедр, иже в Ливане, умножится. Евангелие от Матфея, зачало 36. Причasten: В память вечную будет праведник:**

**Святой пророк Малахия** — последний из известных нам ветхозаветных пророков, почему святые отцы называют его «печатью пророков». «Некоторые утверждали, — говорит святитель Кирилл Александрийский (†444; память 18 января и 9 июня), — что Малахия по естеству был Ангел, но по воле Божией облекся в тело и отправлял в израильском народе должность пророка; но сего вымысла не надо принимать. Ангелом Малахия назван, главным образом, по значению своего имени (Малахия — посланник Божий, евр.), а частью, вероятно, и потому, что возвещал израильтянам Божественные глаголы. По сей последней причине сам пророк Малахия называет Ангелом всякого вообще священника (Мал. 2,7)»


По свидетельству преподобного Ефрема Сирина (†373—379; память 28 января) и святителя Епифания Кипрского (†403; память 12 мая), святой Малахия происходил из колена Завулонова. Он родился в селении Суфа, в земле Завулоновой.

Большинство толкователей согласно говорят, что святой пророк Мала-

хия жил по возвращении иудеев из плена Вавилонского, спустя некоторое время после святых пророков Аггея (500 до Р.Х.; память 16 декабря) и Захарии (520 до Р.Х.; память 8 февраля). В то время был вновь построен Иерусалимский храм (ок. 486 г.), в нем совершалось Богослужение и приносились священниками жертвы.

Свое пророческое служение святой Малахия называет бременем, т. е. печальным пророчеством, потому что оно предвещает наказание нечестивым (Мал. 2, 1—12; 3, 5—9; 4, 1). Пророк пламенно обличает иудейский народ и священников за то, что они не имеют должного благоговения к Богу, приносят Ему «худые жертвы», не соблюдают Его заповедей, своим лицемерием и нечестием уклонились от правого пути.

Пророк Малахия угрожает иудейскому народу Судом Божиим и за разные другие пороки — прелюбодения и чародейства, ложные клятвы, притеснение вдов и сирот, отвержение пришельцев, удерживание платы у наемников, неисполнение закона о церковной десяти-



не: «И прииду к вам для суда, и буду скорым обличителем чародеев и прелюбодеев, и тех, которые кланяются ложно и удерживают плату у наемника, притесняют вдову и сироту, и отталкивают пришельца, и Меня не боятся,—говорит Господь Саваоф» (Мал. 3,5).

Видя неравное раздаяние между людьми земных благ, видя, что нечестивые благоденствуют, а благочестивые страдают, иудеи осмелились сето-

**Святой мученик Гордий** родился во второй половине III века в Кесарии Каппадокийской, в христианской семье. Достигнув юношеского возраста, он был взят в войско и получил чин сотника, так как отличался храбростью и силой.

С воцарением императора Ликийя (307—324) усилились гонения на христиан.

В Кесарию, как и в другие города Римской империи, был послан указ о запрещении христианства: отвергавшие поклонение идолам подвергались смертной казни, а имущество казенных отдавали доносителям.

Сотни жителей Кесарии были убиты, многие, спасаясь от гонения,

бросали свои дома и скрывались за пределами города. вать, что Бог благоволит к порочным, что тот хорош в очах Его, кто делает зло, а потому нет промышления Божьего о людях, нет правосудия Божьего на земле (Мал. 2,17). Таким святой пророк Малахия возвещает, что Божий Промысел воздаст каждому должное, что есть Бог Правосудный, Который видит и знает все дела людей, и что Он скоро явится на земле. А чтобы уготовать в их сердцах и душах путь Ему, Господь пошлет Своего вестника, который возвестит пришествие Мессии в мир и наступление благодатного Царства Божия на земле: «Вот Я пошлю к вам Илию пророка пред наступлением дня Господня, великого и страшного. И он обратит сердца отцов к детям и сердца детей к отцам их, чтобы Я пришед не поразил земли проклятием» (Мал. 4, 5—6).

В Новом Завете книга святого пророка Малахии цитируется неоднократно, как книга пророческая и Богодухновенная, всем известная и признанная за каноническую (Мф. 11, 10; Мк. 1, 2; Лк. 2, 17; Рим. 9, 13).

Из святоотеческих толкований на книгу святого пророка Малахии известны толкования преподобного Ефрема Сирина, блаженного Иеронима, святителя Кирилла Александрийского, блаженного Феодорита (имеются переводы на русский язык).

Святой пророк Малахия скончался в молодых летах и, по преданию, был погребен со своими предками в отечественном селении Суфа.

бросали свои дома и скрывались за пределами города.

Святой мученик Гордий отказался от своего воинского звания и ушел в добровольное изгнание. Он поселился в пещере на горе Хорив, где подвизался в посте и молитве. В то время правитель Кесарии, желая привлечь к язычеству горожан, назначил торжественное празднество в честь бога войны Марса: в городском цирке были устроены состязания наездников. Толпы народа, в том числе много тайных христиан, собрались на них.

Узнав о языческом празднестве, святой Гордий вышел из своего уединения и появился в цирке. Своим видом (оборванный, изможденный, с

большой бородой) он обратил на себя всеобщее внимание. Поднявшись на возвышение, святой Гордий обратился с пламенной проповедью о Христе Спасителе, бесстрашно обличал языческое зловерие.

Схваченный воинами и подведенный к правителю Кесарии, находившемуся в цирке, святой Гордий не убоился его жестоких угроз, отверг и лживые посулы правителя.

Окружившие святого тайные христиане, из сострадания к нему, пытались уговорить его отречься от Госпо-

да на словах, а в сердце сохранить веру в Христа. Но святой Гордий преодолел этот соблазн и напомнил слова Спасителя: «кто отречется от Меня перед людьми, отрекусь от того и Я пред Отцем Моим Небесным» (Мф. 10, 32). Затем святой Гордий вновь громогласно исповедал Христа как Воплотившееся Слово Божие и, осеняя себя крестным знамением, сам подошел к палачу. С просветленным и радостным ликом святой Гордий принял мученический венец через усекновение честной главы.

